



- SENAT -

Broj: 01-986-84/18

Sarajevo, 26. 09. 2018. godine

Na osnovu člana 130. Zakona o visokom obrazovanju („Službene novine Kantona Sarajevo“, broj: 33/17) i člana 56. Statuta Univerziteta u Sarajevu, Senat je, na 22. redovnoj sjednici održanoj 26. 09. 2018. godine, donio s l i j e d e ć u

## ODLUKU

### I

Obavezuju se organizacione jedinice Univerziteta u Sarajevu da imenuju mentora/savjetnika za novoizabrano nastavno i naučnoistraživačko/umjetničkoistraživačko osoblje na Univerzitetu u Sarajevu iz reda članova odbora za kvalitet organizacionih jedinica Univerziteta u Sarajevu.

### II

Ova odluka stupa na snagu danom donošenja.

#### *Obrazloženje:*

U okviru projekta “Unaprijeđenje istraživačkog potencijala u visokom obrazovanju koji će doprinijeti daljem razvoju područja zapadnog Balkana” (Re@WBC) jedna od projektnih aktivnosti odnosi se na uspostavu savjetodavnog sistema (*mentoring system*). Svrha uspostave ovog sistema je pružanje podrške novoizabranom akademskom i naučnoistraživačkom/umjetničkoistraživačkom osoblju, kako bi što bolje odgovorili novim zadacima. Navedeno je planirano kao mogući odgovor na potrebe mlađeg akademskog i naučnoistraživačkog/umjetničkoistraživačkog osoblja za podrškom i smjericama posebno nakon odbrane doktorata, jer to predstavlja ključan momenat u uspješnom nastavku njihove karijere.

Novoizabrano nastavno osoblje se mentoru/savjetniku može obratiti u vezi sljedećih pitanja:

- uslovi za napredovanje;
- realizacija naučnih i drugih projekata, te publikovanje naučnih rezultata;
- organizacija naučnih i stručnih skupova, seminara, savjetovanja i sl.;
- organizacija nastave, provođenje ispita i formiranje kriterija za ocjenjivanje studenata;
- aktuelni propisi Univerziteta i organizacionih jedinica Univerziteta u Sarajevu;
- druga pitanja koja su od značaja za rad i napredovanje nastavnika.

Mentor/savjetnik treba da bude član odbora za kvalitet organizacionih jedinica i da je, po mogućnosti, pohađao obuku za osoblje Univerziteta u Sarajevu (TRAIN).

U skladu sa naprijed navedenim, donesena je Odluka kao u dispozitivu.

*h* **REKTOR**

*C. Škrijelj*

**Prof. dr. Rifat Škrijelj**



Dostavljeno:

- ③ Organizacionim jedinicama UNSA
- Službi za NIR/UIR
- Službi za osiguranje kvaliteta
- U dokumentaciju Senata
- Arhivi